



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

**Parisiis, 1644**

Concilivm Parisiense XXII. Episcoporvm, Qvo Philippvs Henrici regis Francorum filius titulo regio condecoratur, & solenni ritu coronatur, anno MLIX. tempore Nicolai papae II.

**urn:nbn:de:hbz:466:1-15625**

ANNO  
CHRISTI  
1059.

tur a simoniaco prouehi, nihil penitus deberent ex ea promotione lucrari, & sic ministrandi iura deponerent, tamquam si hac nullatenus percepissent. Ita ibi.

Præcipuum illum grassatorum, qui Anglis spoliū intulerat, Gerardum comitem Galeriæ, in hac eadem Synodo excommunicatum affirmat Petrus Damiani in defensione Romanæ ecclesiæ aduersus regium Aduocatum, quam infra sub Alexandro positam inuenies.

CONCILIVM AMALPHIÆ,  
IN APVLIA CELEBRATVM ANNO MLIX.  
tempore Nicolai papæ II.

NOTA.

\* *Concilium.*] Amalphia vrbs est Apuliæ, in qua, teste Leone Ostiensis, Nicolaus papa hanc Synodum celebrauit, & Trancensem episcopum, teste Petro Damiani in epistola ad sanctæ Romanæ ecclesiæ cardinales, throno deposuit. Probabile est eundem pontificem in hac Synodo duo illa iuramenta fidelitatis & soluendi annui census, quæ ex Vaticano codice recitantur apud Baronium, a Nortmannis exegisse.

Locus &  
acta Con-  
cili.

CONCILIVM PARISENSE  
XXII. EPISCOPORVM, QVO PHILIPPVS  
Henrici regis Francorum filius titulo regio condecoratur, & solenni ritu coronatur, anno MLIX. tempore Nicolai papæ II.

\* quin-  
quagesimo  
no-

ANNO millesimo \* sexagesimo, indictione XII. Henrico regnante trigesimo secundo, & quarto Kalendas Iunii, in die pentecostes, Philippus rex hoc ordine in maiori ecclesia ante altare sanctæ Mariæ, a venerabili archiepiscopo Rhemensis consecratus est. Inchoata Missa, antequam epistola legeretur, dominus archiepiscopus vertit se ad eum, & exposuit ei fidem catholicam, sciscitans ab eo, vtrum hanc crederet & defendere vellet. Quo anuente, delata est eius professio: quam accipiens ipse legit, dum adhuc septennis esset, eique subscripsit. Erat autem professio eius hæc:

Ego Philippus, Deo propitiante, mox futurus rex Fran-

Ffff iij



Philippus  
Francorum  
rex vngitur.

corum, in die ordinationis meæ promitto coram Deo & sanctis eius, quod vnicuique de vobis mihi commissis canonicum priuilegium, & debitam legem, atque iustitiam conseruabo, defensionem, adiuuante Domino, quantum potero exhibebo, sicut rex in suo regno vnicuique episcopo & ecclesiæ sibi commissæ per rectum exhibere debet: populo quoque vobis credito me dispensationem legum in suo iure consistentem nostra auctoritate concessurum. Qua perlecta, posuit eam in manus archiepiscopi: deinde accipiens archiepiscopus baculum sancti Remigii, disseruit quiete & pacifice, quomodo ad eum pertineret electio regis, & consecratio, ex quo sanctus Remigius Ludouicum baptizauit & consecrauit. Disseruit etiam, quomodo per illum baculum hanc consecrandi potestatem, & totum Gallia principatum Hormisdas papa sancto dederit Remigio, & quomodo Victor papa sibi & ecclesiæ suæ concesserit. Tunc annuente patre ipsius Henrico, elegit eum in regem post eum.

• CONCILIVM IACCITANVM,  
IN HISPANIA CELEBRATVM ANNO MLX.  
tempore Nicolai papæ II.

ANNO  
CHRISTI  
1060.

N O T A.

Locus &  
episcopi  
huius Con-  
cilii.

Decreta.

• *Concilium.* ] Hæc Synodus celebrata est Iaccæ in Hispania, in quam Oscæ sedes translata fuit. Interfuerunt ei Austindus archiepiscopus Auxitanus, Sancius episcopus Aragonius, Paternus Cæsar Augustanus, Arnulphus Rotensis, Gometius Calaguritanus, Vvilielmus Vrgelitanus, Heraclius Bigerrinensis, Stephanus Olorensis, & Ioannes Leontinensis. Sacri ritus, qui temporum iniuria vel deprauati vel aboliti erant, in eo sunt restituti, disciplina ecclesiastica resarcita, moresque ad normam sacrorum Canonum reuocati. Insuper ne alio quam Romano more sacræ preces in ecclesia persoluerentur, & vt is qui Oscæ erat episcopatus in Iaccam transferretur, in eodem Concilio statutum fuit. Hæc summatim Baronius anno 1060. numero 13.